

Aqua lactis alexiteria.

R. Foliorum recentium Cardui Benedicti, }
 Scabiosæ, } ana uncias
 Ulmaræ, } duas.
 Melissæ,
 Menthae, unciam unam.
 Angelicae, semi unciam.

Discerptis affunde Seri Lactis recentis, libras sex.
 Distilla secundum artem ex vesica Balneo maris.
 Elice libras quatuor.

APPENDIX AD AQUAS.

Aqua divina, seu mirabilis.

R. Spiritus vini rectificati, libras duas & uncias duo-
 decim.

Sacchari albi, libras duas.
 Aquae communis, libras sex.
 Aqua Florum Arantium essentialis, uncias duas.
 Spiritus Corticum Citri, unciam unam.
 Oleo - Sacchari Citri, drachmas duas.
 Olei essentialis Bergamii, guttam unam, pro qua-
 libet liquoris pinta.

Misceantur omnia. Digerantur in loco frigido
 per octiduum. Dein trajiciantur per Manicam.

Claretum e sex feminibus carminativis,
vulgo, rosisolis des six graines.

R. Seminum Anisi, }
 Foeniculi, }
 Anethi, } ana unciam unam.
 Coriandri, }
 Carvi, }
 Dauci Cretici, }

Contundantur & macerentur in vase vitreo rite obturato, sub radiis solaribus per tres septimanas, cum Aquae vitae quantitate sufficiente, ad supereminentiam quatuor circiter digitorum. Fiat colatura per chartam bibulam. Colaturae adde Syrupum paratum ex Sacchari albi libra una, & Aquae Chamæmeli aut Graminis quantitate sufficiente. Misceantur & serventur ad usum.

Aqua ad gingivas, per infusionem.

- ℞. Cinnamomi contusi, drachmas duas.
 Caryophyllorum, semi drachmam.
 Aluminis Rupei pulverati, drachmas quatuor.
 Aquæ bullientis, libram unam & semis.
 Digerantur in matrasso, dum omnino frigidus sit liquor. Tum adde Aquæ Plantaginis, uncias sex.
 Florum Arantiorum, drachmas quatuor.
 Spiritus Corticum Citrei, drachmas duas.
 Vini rectificati, uncias sex.
 Iterum digerantur per viginti quatuor horas. Filtra & serva.

Aqua calcis.

- ℞. Calcis vivæ recentis, libram unam.
 Sensim affunde Aquæ communis, libras decem.
 Post ebullitionem completam, & debitam residentiam, cola ad usum.
 Nota hanc Aquam, duobus aut tribus mensibus elapsis, esse renovandum.

Aqua phagedænica.

- ℞. Aquæ Calcis, recentis, libram unam.
 Mercurii sublimati corrosivi, grana triginta.
 Misce, agita in mortario vitreo.

Aqua styptica.

Rx. Vitrioli albi,
 Viridis, } ana semi unciam.
 Aluminis,
 Sacchari albi,
 Aquarum Plantaginis, } ana uncias sex.
 Centinodiæ,
 Solve, digere. Cola ad usum.

Aqua aluminosa.

Rx. Aquarum stillatitiarum Rosarum, } ana libram
 Plantaginis, } unam.
 Centinodii, }
 Aluminis depurati, drachmas tres.
 Fiat dissolutio, servanda ad usum.

SPIRITUS VOLATILES.

Spiritus vini, *vulgo* aqua vitæ.

Rx. Vini generosi, quantum volueris. Mitte in cucurbitam satis amplam, cujus mediam partem Vini occupet. Adapta capitellum, refrigeratorio suo instructum; obseratis commissuris, igne medio-eri distilla, donec prodiens liquor flammam non concipiat.

Aqua vitæ camphorata.

Rx. Aquæ vitæ, libras duas.
 Dissolve Camphoræ, semi unciam.
 In vase obturato serva.

Spiritus vini rectificatus.

Rx. Aquæ vitæ, quantum volueris.
 Distilla Balneo maris, igne leni, ad medias.